

L'ensemble escolar d'Amboise, d'Albi aculhís prèp de 1600 escolans repartits sus dos sitis albigeses : lo del Bon Salvador e lo de Santa Maria desseparats pel parc Ròcaguda.

Se trapa al mièg d'una vila de 51000 abitants, prefectura de Tarn e dont lo centre istoric a l'entorn de la catedrala Santa Ceselha es classat al Patrimòni Mondial de l'UNESCO.

Cadun dels dos sitis comprend una escòla mairala e primària, un collègi e lo de Santa Maria aculhís tanben un licèu general e tecnologic.

Lo projècte educatiu de l'ensemble escolar cèrca a acompanhar los escolans segon una tripla dimension : umana (aprendissatge de la vida de grop, respècte de l'autre, acuelh de la diferéncia...) intellectuala ( adquisicion de saber, metòdes de trabalh, d'una cultura dubèrta sul monde...) espirituala (acuelh de totes e mesa en practica de las valors crestianas).

Aprèp una iniciacion, a l'anglés en primari, los dos collègis, an desvolopat, una politica de las Lengas Vivas importanta : cultura e civilizacion anglò-saxona, tanlèu la 6° al Bon Salvador, bilingüisme anglés-alemand tre la seisena a Santa Maria, escambis lingüistics ambe l'Alemanha e l'Espanha, viatges culturals en Granda-Bretanha, o en Itàlia, preparacions a las certificacions de lengas estrangieras, en anglés, alemand e espanhòl, ensenhament de l'occitan e del chinés. D'un autre costat, una cultura classica es prepausada ambe un ensenhament del grèc e del latin.

Lo licèu general e tecnologic ofrís la possibilitat de seguir una escolaritat dins las tres serias generalas (Literària/ Ecomonica e sociala / Sciéntifica) e dins la seria tecnologica STMG (Sciéncias tecnologicas del Manejament, e de la Gestion.)

Dos centres bèls de documentacions son a disposicion dels escolans coma dels ensenhaires. D'equipaments informatics son desvolopats dins l'ensem de las unitats d'ensenhament. L'establiment compòrta un internat mixte que permet d'aculhir 80 intèrns. La proximitat de la gara, favorisa l'acuelh dels escolans e liceans, venent de tota la region.

Las resultas als examens (Diplôme National du Brevet et Baccalauréat) son dempuèi mai de dètz ans a un nivèl d'excelléncia compresa entre 97% e 100% de capitada. Las escolans qu'integran de filièras selectivas dins l'ensenhament superior son a l'entorn de 40% cada annada.

Dins l'aglomeracion d'Albi, l'ensenhament superior prepausa una ofèrta de formacion variada : nombroses BTS, Institut Universitari Champollion, Escòla de las Minas... En mai d'aquò, la proximitat de Tolosa alarga aquesta ofèrta a de multiples domenis.

Abrial 2015